

Gränzelosi Liebi

Gränzelosi Liebi, unfassbari Gnad
Du liebsch mi scho sit eewig, vom erschte Herzs Schlag aa
Gränzelosi Liebi, egal wie vill ich cha
Du liebsch mi über alles, au wänn i Fähler ha

Gränzelosi Liebi, vo wiitem gseesch mi scho
Voll Sehnsucht häsch Du gwartet, bis i wieder zrugg bi cho
Fascht hätt i mi verlore, bisch mir entgäge cho
Voll Freud und ohni Vorwurf häsch mich i d'Arme gno

**Gränzelosi Liebi, mit offne Arm stahsch da
Geduldig häsch Du gwartet, bis ich umchere cha
Gränzelosi Liebi, egal wohär ich chum
Mit Träne i de Auge cher ich zu Dir um**

Gränzelosi Liebi, en neue Tag fangt aa
Mit Dir a minre Siite, dörf i wiiter gaa
Gränzelosi Liebi, was immer au passiert
Ich weiss jetzt wo'n i hi ghör, ich bin nümm so verwirrt

**Gränzelosi Liebi, mit offne Arm stahsch da
Geduldig häsch Du gwartet, bis ich umchere cha
Gränzelosi Liebi, egal wohär ich chum
Mit Träne i de Auge cher ich zu Dir um**

Gränzelosi Liebi, unfassbari Gnad
Geduldig häsch Du gwartet, mir alli Freiheit gla
Gränzelosi Liebi, egal wohär ich chumm
Häsch Träne i de Auge, vor Freud ich chere'n um

Gränzelosi Liebi, mit offne Arme stahsch da
Geduldig häsch Du gwartet, bis ich umchere cha
Gränzelosi Liebi, egal wohär ich chumm
Häsch Träne i de Auge, voll Freud ich chere'n um

Gränzelosi Liebi, egal wohär ich chumm
Mit Träne i de Auge, cher ich zu Dir um
Gränzelosi Liebi, egal wohär ich chumm
Mit Träne i de Auge, cher ich zu Dir um